

乾隆歷城縣志

歷城縣志卷第四十一

列傳七

忠烈

國家於前代殉難諸臣建祠贈諡褒揚至矣當修明史時
復

特詔史館直書其事無所避忌蓋我

朝仁厚開基天地同量抗命者皆得垂名竹帛久而彌光
非僅區區載於志乘而已崇正十一年十二月

大兵略地至濟南布政使張秉文等分門拒守十二年正
月二日城潰秉文等死之其鄉官士民亦多死者舊志

作於十三年故載之特詳又前史所載死節死事代有其人予故摭錄舊志益以見聞所及作忠烈傳

漢

吳子蘭歷城人獻帝時為將軍帝惡曹操無君董承受密詔討操子蘭與承合謀謀洩為操所殺

舊志

按吳子蘭事在建安五年見蜀志先主傳其為歷城人未知舊志何據舊志又云子蘭墓在城南完備山亦從未見於他書

唐

羅石頭齊州人齊王祐國平陵貞觀十五年反募城中

男子年十五以上悉發以築堞浚隍繕甲兵人惡之皆
夜縫亡去石頭數祐罪以刀直前刺祐不克殺之詔贈

亳州刺史

見唐書

高君狀齊州野人齊王祐引騎徇邑聚君狀曰上親平
寇難土地甲兵不勝計今王以數千人為亂如一手搖
泰山又如君父何祐擊禽之媿其言不能殺詔擢榆社

令

上同

房繼伯者於齊王祐之反據縣不從抗表以聞太宗勅
曰齊州平陵縣百姓爰自隋末以至於今常懷忠誠不
從寇亂宜加優獎以旌義烈其縣可依舊置改名全節

太平寰宇記

按房繼伯不見於唐書惟見於寰宇記及齊乘舊志據齊乘采入齊乘又有李君求者即君球之訛已別見

羅士信齊州歷城人隋大業時長白山賊王薄

唐書作簿左

才相孟讓攻齊郡通守張須陁率兵擊賊士信以執衣年十四短而悍請自效須陁疑其不勝甲少之士信怒被重甲左右韃上馬顧盼須陁許之擊賊濰水上陣縱列執長矛馳入賊營刺殺數人取一級擲之承以矛戴而行賊皆貽懼無敢亢須陁乘之大破賊士信逐之北

每敵一賊輒剝鼻納諸懷豎還驗以代級須陁歎伏遺
以所乘馬凡戰須陁先登士信副以為常煬帝遣使慰
諭又圖須陁士信陣法上內史後須陁為李密所殺士
信與裴仁基歸密署總管伴統所部討王世充身被重
創見獲於世充世充愛其才厚遇之與同寢食後得密
將卬元直等士信稍稍疎斥士信恥與之伍率所部千
餘人降唐高祖拜陝州道行軍總管因謀世充士信行
則先鋒反則殿有所獲悉散麾下有功者或脫衣解馬
賜之士以故用命然持法嚴至親舊無少貸師次洛陽
攻千金堡堡為惡言詬軍士信怒夜遣百人載嬰兒號

課堡下詐言東都出奔來投羅總管既而陽悟曰非也
此千金堡耳因散去堡兵開門追掠士信伏入屠之無
遺類世充平授絳州總管封郟國公從秦王擊劉黑闥
洺水上得一城王君廓成之賊急攻潰而出王語諸將
孰能守此士信曰願以守士信已入賊悉衆攻之會雨
雪救軍不得進城陷黑闥欲用之詞色不屈遂遇害年
二十八舊唐書云王隱悼其尸以葬諡曰勇初士信
為仁基所禮及東都平出家財斂葬北邙以報德且曰
我死當墓其側至是果就仁基墓左葬焉新舊唐書本傳
崔彥曾嶺南節度使能子也咸通初繇大僕卿為徐州

觀察使曉律令性卞急為政剛猛徐軍素驕而彥曾長於撫民短於治術軍士多怨之初蠻寇五管陷交趾詔節度使孟球募兵三千往屯以八百人戍桂林舊制三年一更至期請代而彥曾親吏尹戡徐行儉貪不恤士乃議稟賜之請無發兵復留屯一年戍者怒殺都將王仲甫脅糧料判官龐勛為將取庫兵剽湘衡虜丁壯合衆千餘北還自浙西趨淮南埭泗口所過先遣俳兒弄木偶伺人情以防邀遏彥曾命牙將田厚簡慰勞而用都虞候元密伏甲仗出館擊賊勛遣吏給言士思歸不敢遏請至府解甲自歸彥曾斬其吏勛陷宿州發贖錢

募兵亡命者從亂如歸船千艘與騎夾岸謀而進彥曾料丁男乘城或勸率眾奔兗州彥曾曰我方帥也奉命守此惟有死爾斬議者一人號於眾俄而勦傳城城中大霧如墮彥曾悉誅賊黨為勦眾四面起壙入囚彥曾大彭館有曹君長者說勦曰貴者不並處今朝廷未以留後命公蓋觀察使存爾勦乃殺彥曾於寢自監軍使逮官屬皆死始彥曾治第鄭州引水灌沼水十步忽化為血署張佛筵液寮為人一昔鼠齧皆斷首徐有子亭下澗水為沱彥曾導清河灌之鰲石龍首注溜蔽以屋徐人謂屋覆龍於文為龍清河崔望也為吞噬云贈刑

漢書乾符中錄其子祐之為滎陽尉

新唐書本傳

按舊志忠義傳無崔彥曾而有宋崔縱據宋史忠義傳縱撫州臨川人不知舊志何據而以為歷城人也舊志所采亦與宋史微異但未得其所本姑去之

宋

醉民者佚其名劉豫僭立醉民罵曰汝是何人要作官家大宋何負於汝豫怒殺之

舊志

按醉民事見齊乘在豫僭立之後時豫已據東平未能定醉民為齊州人也舊志又載邢希載勸豫

歸宋豫殺之而宋史已明言希載為滄州進士矣
故去之姑留醉民以俟考

金

周馳字仲才濟南人經學師王廣道賦學師李時亨又
與党懷英趙胤為忘年友賦性古雅而以襟量見稱大
定中在太學屢以策論魁天下私試亦頻居第一家素
封鄉人強遣子弟從之學束修所入盡散諸生之貧者
貞祐之兵濟南城陷馳不肯降攜二孫赴井死鄉人葬
之宅後壽樂堂遼東吳子英嘗從馳學記其亞父撞玉
斗賦及他文數篇學者稱迂齋先生

見中州集

按周馳死於貞祐三年之難雖金史不載其未嘗
入元不待辨也而元別有周馳聊城人恐有誤合
為一人者故及之

元

張山濟南人從軍伐宋以功授百戶遷把總戰死子均

襲百戶自有傳

元史

魏中立字伯時濟南人由國子伴讀歷官至陝西行臺
御史中丞遷守饒州陳友諒之黨既陷湖廣分攻州郡
官軍多疲懦不能拒所在無賴子多乘間竊發不旬日
衆輒數萬皆短衣草履齒木為把小竹為槍截緋帛為

巾襦彌野皆赤中立聞警即率丁壯分塞險要戒守備
俄而賊至達魯花赤馬來出戰不能發一矢賊愈逼中
立以義兵擊卻之已而賊復合遂為所執以紅衣被其
身中立叱之額鬚盡張賊執歸蘄水欲屈其從已中立
大罵不已遂被害

元史

明

鄧瑜洪武間為濟南衛指揮同知將從征屬其妻胡氏
曰我為人臣當盡死節汝為人妻能盡貞節乎胡氏許
諾瑜果歿於陣胡氏守節不渝詔旌其門

徐與參本朝生氣錄

按舊志鄧瑜從征瑤蠻其家傳則謂從駕北征陣

亡飲馬泉未知孰是

靳清濟南人洪武中從軍戍遼東官百戶以陣亡世襲千戶其後有名應選者隨

大兵入關世以功名顯應選子輔官至河道總督有治績

謚文襄

八旗通志初集

按朱竹垞集有知交城縣事靳治青墓誌銘謂先世自歷城徙遼陽即輔之族益証其為縣人矣

卒鎮都指揮

馬斯才百戶

馬虞順百戶

樂賢忠百戶

李季子所鎮撫

秦邦賢武舉

朱廉武舉蓮妖之變諸弁往勦敗岡山死者數人

俱舊志

按明史葉趙彥傳蘄州人王森得妖狐異香倡白

蓮教其徒蔓延畿輔山東山西河南陝西四川萬

歷四十二年森為有司所攝越五歲斃於獄其子

好賢及鉅野徐鴻儒武邑于宏志輩踵其教徒黨

益衆天啟二年五月鴻儒反陷鄆城犯滋陽破鄒

滕二縣十一月山東巡撫右副都御史趙彥擒之

伏誅藉志所謂死蓮妖之變者蓋從彥征鴻儒丹
樊應科歷城人以千總從征死於陣事聞贈恤配享張
元戎可大廟禮志

按明史葉張可大傳可大以登州總兵官勦孔有
德為登萊巡撫孫元化所阻城陷可大時守水城
投繯死賜祭葬于世廕建祠曰旌忠樊應科既配
享其祠是為從征有德無疑也事在崇正五年

寧海王朱常泐性謙和能馭下葬母步送至墓哀動路
人咸稱其孝崇正己卯之變守南城城陷死之

泰安奉國大將軍朱常汴死難

泰安奉國四將軍朱常澆死難

臨朐奉國將軍朱常濬死難

陳載春號澄渠九疇子萬歷八年進士歷官河南副使
天性醇謹所蒞皆有實政家居杜門謝客不預外事嚴
禁家僕橫暴屢薦不起已卯城陷不屈而死年八十八
子太學生樞諸生樟楠孫文煥皆守城

按畿輔通志載春曾官順德府知府

又按舊志選舉附注云樞庠生入監樸厚溫醇善
承親意人樂與交已卯守西南城死難

孫止孝字敬止天啟二年進士由盛龍縣知縣晉戶部

郎壽遷密雲兵備道叅議

大兵兩薄城皆晝夜宿陣兵輒引去又密計獲謀者韓僧以忤權貴歸己卯命子建宗率族人守東城捐貲犒師城陷自縊死兄諸生則孝舉人純孝弟諸生永孝姪忠宗延宗數人皆與於難

劉勅字君授弱冠登賢書春官十二上不第授富平縣知縣母卒居廬砥礪名節好著書年八十猶手不釋卷己卯城陷不屈而死子弟皆被殺

劉檄勅弟也歲貢生授樂亭縣知縣終邳州知州舉鄉飲大賓己卯死難

穆遠號南陽深之弟萬歷二十二年舉人授直隸元城縣知縣吏議錡級博學善談論已卯遠守西門獻策當事不納城陷被殺及其子光嗣

按舊志選舉注云穆光允深之子崇正八年武進士本省巡道中軍守備已卯守西城死難

史臣贊其先浙人天啟中恩貢生歷任忻州知州以罪歸已卯城陷被殺子起鳳亦死

劉化光字汝化伯綬子天啟七年舉人候選推官戊寅當事俾練四兵保護西郭植柵挑壕

大兵至率衆拒守已卯城陷死之子漢儀崇正三年舉人

守西城亦死事聞候恤

按明史忠義傳劉化光與子漢儀先後舉於鄉父子俱守城力戰死贈卹有差是化光嘗邀贈卹或作志時未及知耳

賈槐字世廕希夷子萬歷四十三年舉人已卯糾衆協守捐貲餉卒城陷死

張元英字孟育天啟四年舉人好儲書以經史子集分部獨鍾怪書別貯一笥閉門謝客日焚香點較歲數百卷以為常戊寅守南城倡施布被以恤軍之凍者捐酒食餉戍卒城陷死

忠烈 一
嵇嵐字珊楓崇正九年舉人戊寅守觀風樓城陷死南城下

胡士傑少好讀書年四十為掾吏勤慎謙和雖案牘紛紜不釋書史子顯宗字昭來崇正三年舉人戊寅守西城出簪珥易蠟百炬以濟軍需城陷父子皆死於難米嘉珠號玉函萬歷四十三年舉人天啟二年七年兩中會試副榜戊寅守西城城陷投井中死

徐暉吉號羲上天啟四年舉人戊寅守南城城陷死

劉汝通號復陽萬歷四十三年舉人戊寅守南城城陷死

丁振字又從崇正六年舉人戊寅守北城城陷死

王啟亨元復子萬歷二十四年舉人已卯守城死

張允文歲貢生東昌教授素有文名兩中副榜戊寅守

城死

吳安邦字磐石歷任登州鎮總兵官戊寅守北城城陷
死

王敬賢號震陽武進士武定州守備致仕家居年七十
餘戊寅守北城與吳安邦同死

王允前字丕承年十二值父病禱神借壽為父益算畧
年入泮為周廉憲延光所知舉鄉試戊寅守北門城陷

忠烈 二
負母至歷山頂遇

大兵母子俱不屈同死

費克謙京營副將戊寅守南城城陷被殺

陳光先衛指揮戊寅署巡道中軍率道丁守城城陷戰於布政司街力竭而死

四城巡守義社生負死者三百五十二人

回兵者皆西關人聞警糾千餘人保護西關陳金兩教長頗有戰績死者二百餘人

楊家寨者城東北楊家莊也莊人環水立寨獨留一徑偽設木砲而別點正砲以禦敵己卯城陷寨猶固守

大兵入寨死者楊卓等百餘人稍西為邊家寨亦稱能守

云以上俱見舊志

按崇正己卯死者自寧海王至楊卓等俱見於舊志忠義傳舊志又有附注於選舉者吳斗光天啟丁卯舉人直隸博野縣知縣戊寅死難趙標名斗光同榜舉人已卯守東城正月二日城陷人見其死東城下張經崇正恩貢生己卯守北城死江源長乙亥拔貢生己卯死陳典崇正丙子武舉死西城并附於此

高思恭字凝止邑諸生崇正己卯城陷知縣韓某議城

守思恭分守北城城破死之

究其趣
採訪

按舊志於己卯死事諸人似有載之不盡者今採訪所及僅有思恭一人亟錄之

劉廷寶武生^生騎射崇正末盜紛起廷寶練鄉兵保其村坊盜不敢近官知其勇俾為練總捕賊於莠山之南格開峻澗中幾毀賊巢會同伍有為賊內應者遂遇害部下卒李浩然被傷匿屍中得歸述其事

劉政
錄送

李興邦字振宇濟南衛指揮崇正甲申闖賊移明社聞變慟哭易服誓以死殉持刺遍辭所親或以官卑無社稷責勸之曰官雖卑亦官也況世戴國恩敢不盡節遂

不食關偽權將軍至官司出迎李開砲聲別故拊牀一

慟而絕 萬菴
閒話

按稽志作於崇正十三年而十七年鼎革時事絕不見於紀載惟張爾岐萬菴閒話於李興邦死節事有云偽權將軍至濟南官司出迎於此稍見其槩而葉承宗百花洲傳奇專記李自成偽官刑辱搢紳事頗詳謂四月初六日偽順牌至邱巡撫碎之欲集兵民守城無應者又云巡撫邱按院余皆出城推官鍾知縣朱皆謝事而偽知縣喬茂桂四月初到任偽權將軍郭陞十三日宿齊河十四日

到任居都司署又有偽防禦使丁昌期偽濟南府知府高丹桂偽推官李世顯偽軍糧廳呂陞索德王冊寶不得刑訊梅叅將乃得之府學月牙池邊十九日陞去時有戶政府從事張琚者謂之催餉司拷掠宦家子伴助銀其被掠者以萬歷來科目為斷計三十餘家刑具夾拶外有鐵梨花呂公繚紅繡鞋之名及德州謝陞殺偽防禦使閻傑泰安州守將高桂等及蕭趙兩鄉官殺偽防禦使郭都青州殺偽威武將軍昌期等聞之懼甚德州討賊檄至都司劉世儒欲起義誅偽官五月初五日西

國朝

關失火偽官有備不得施世儒將卒乃橫肆剽掠於城東北諸村而偽官次第逃去孫進士建宗糾衆請推官鍾掌府事知縣朱掌縣事諸王歸府五營兵皆還

葉承宗字奕繩世次見弟承祧傳承宗少嗜古能文章讀書雖元旦不廢天啟七年舉鄉試七上春官不第益奮力於學問崇正十三年知縣宋祖法屬輯縣志縣新遭兵燹文獻闕如承宗蒐羅佚聞取劉勅舊編更正補綴成十六卷其人物於正史無所遺而近者載之不濫

列女惟錄已旌及死事者裁五十餘人時以為佳史入國朝登順治三年進士授臨川縣知縣值歲祲發廩賑饑所活甚衆大府課吏例視催科定殿最承宗曰此豈有司博上考時耶停徵數月民甚賴之立香栢社課諸生刊其藝之佳者數百篇社士後多知名侍讀李來泰其一也五年冬贛鎮金聲桓為逆攻撫州承宗甫策防禦而守將吳某已應賊城遂破承宗被執逼授偽官不屈賊怒繫於獄承宗仰天歎曰得死所矣至夜自盡時十月初七日也年四十七弟承祧焚其尸而奔告征南大將軍固山額正譚仁泰仁泰以承宗忠烈奏授承祧興

安縣知縣

葉氏家譜

德琳按金聲桓以總兵官駐南昌順治五年正月
叛時先曾祖諱承善府君為建昌知府方議城守
而駐建昌副將王得仁者聲桓黨也聲桓檄得仁
起兵為應得仁延府君至其營示以檄府君大驚
力陳其不可得仁迫脅之府君罵不絕口得仁怒
碎其首家屬遇害者十餘人城遂陷先叔祖爾佺
間道奔征南大將軍譚仁泰告變奏授廣昌縣知
縣明年三月先祖諱爾傑府君自江南聞變亦奔
譚復授餘干縣知縣皆以府君殉難故也然未邀

祭贈今閩臨川知縣葉承宗家傳亦僅授其弟官
乃知當時軍政旁午殉難者卹典多不及而子弟
授官實卹典之大者葉之死在是年十月蓋撫州
至十月始陷耳府君被禍最早死狀尤慘酷不忍
言云德琳感承宗事因附記於此

徐天平歷城人任溫州鎮標左營千總閩逆犯浙隨師
進勦康熙十五年二月十七日與賊戰於溫州大西山
被劍死事聞

賜祭一壇廢一子衛千總

表忠冊

按徐天平見浙江通志名宦傳事甚近而採訪竟

無及之者何也

龔殿安字良佐縣人偉幹善射少負志節嘗酒酣撫膺曰生七尺軀不能為國家効命疆場甘老死備保問乎應乾隆二十一年武鄉試舉第一選授四川重慶營守備乾隆三十一年緬夷逆命調蜀中勁兵從征而殿安以材勇應選隨大將軍明瑞摧破緬寨十六所留鎮木邦會緬匪大至圍城急而援兵不至叅贊大臣珠魯訥死之殿安馳馬陷陣力戰中砲而死

詔卹其家賜祭葬如例廕一子

命史館立傳崇祀昭忠祠

張啟錄送

歷城縣志卷第四十一終

歷城縣志卷第四十二

列傳八

孝義

歷下兩寒士簞瓢能悅親見於黃魯直詩而其姓名弗
傳焉士君子內行純篤而無聞於後者可勝道哉稽志
載孝子十人皆嘗旌於朝者其例嚴矣予廣之以義所
收較多如何彥先之於師友劉庭式之於夫婦殷汝麟
之於兄弟方東省之於鄉黨至性所激發欲其沒滅得
乎古人有言興孝以教民厚民用不薄興義以教民睦
民用不爭我

國家立教汲汲以厚人倫勵節行為首務百餘年來以孝
義見者多矣茲錄其卓卓者合之前載為孝義傳

元魏

崔承宗齊州人其父於宋世仕漢中母喪因殯彼後青
徐歸國遂為隔絕承宗性至孝萬里投險偷路負喪還
京師黃門侍郎孫惠蔚聞之曰吾於斯人見廉范之情
矣於是弔贈盡禮如舊相識

魏書孝
感傳

唐

何彥先齊州人武后時位天官侍郎初與負半千同事
王義方義方既死行喪時松栢冢側三年乃去

唐書

宋

劉庭式字得之齊州人本田家隣舍翁甚貧有一女約為婚後數年庭式舉進士歸訪隣翁翁已死而女以病喪明家益困餓不敢復言或勸納其勿女庭式笑曰吾心已許之矣豈可負我初心哉卒娶之閨門雍睦其妻相攜而後能行凡生數子庭式嘗坐小譴監司欲逐之嘉其美行遂為上澗畧後妻死庭式喪之逾年不肯後娶時通判密州而蘇軾為守問之曰哀生於愛愛生於色今君愛何從生哀何從出乎庭式曰吾知喪吾妻而已吾若綠色而生愛緣愛而生哀色衰愛弛吾哀亦忘

則凡揚袂倚都市目挑而心招者皆可以為妻耶軾深
感其言庭式後監太平觀老於廬山絕粒不食目奕奕
有紫光步上下峻坂如飛以高壽終

據蘇文忠集及夢溪筆談宋史卓行

傳

王淦齊州人幼孤事母至孝母死負土成墳日夜哭不

絕聲廬墓三年詔旌其閭

岳通志

元

劉琮父久病盡賣妻與幼女飼父資竭無措乃焚香請
代父死書牒坎地埋之遂得錢一窖出錢水湧父飲輒
愈琮遂舍宅為寺以得泉名孝感泉寺曰孝感寺

禮志

按孝感寺已見太平寰宇記此或別是一事不然
即為齊音所誤耳

宋懷忠濟南人居喪以孝聞旌表

據元史及舊志

牟克孝濟南人居喪廬墓嘗表其閭

同上

李恭濟南人散財周急天子表其門閭

元史孝友傳

明

劉興祖歷城人自父母世六喪不舉興祖不避寒暄備
力以葬負土築墓洪武間有司請於上特賜錢幣後知
縣楊成復請旌

舊志

王允歷城人少孤勵志讀書正統二年進士官至布政

使事母曲盡孝養母卒廬墓三年有司上其孝行旌表

同

按明史孝義傳允官廣東布政使又温州府志云
王允字執中山東歷城人景泰三年知温州以恤
艱弱去蠹弊為首務山賊出沒羅陽允親入巢穴
計擒之故宦裔高士遜孫女鬻為婢代贖之為擇
配稅糧積欠累萬根究弊由糧長不月餘數足俗
好競渡每致溺屢禁之歸其舟為官渡又山西通
志載允仕左叅政及按察使而郟戾王實錄云景
泰元年閏正月戊午巡按直隸監察御史王允奏

浙江安吉縣賊首梅富等越寧國縣劫刺命兵部
移文南京并鎮守浙江內外官負及巡撫巡按御
史設法勦捕憲宗實錄云成化五年二月甲午復
除湖廣左布政使王允於山西據此數者可以得
允歷官之大概矣舊志誤以為景泰進士今據題
名碑錄改正山西通志載允為左叅政在永樂年
亦誤

鄭璟字庭璧好施與里中人婚葬恒仰給焉歲暮餓夫
羣然操瓢延頸於門璟日給粥不厭妻子氏賢淑克佐
之成化九年公治五年歲大饑璟二次共出粟若干石

以賑流亡全活者無算有司上其事於朝旌曰義民年

六十二卒子某泰安王府典膳孫大綸黃池驛丞

邊貢
義民

鄭君墓誌銘

李萃歷城人葬母於黃臺山家甚貧親築其墓高如山
地方莫以聞宋桐岡太守出遊見而詢之遂奏於朝旌

表

舊志

殷汝麟生八歲孤不能就學一聽伯兄所為獨取做惡
具財物盡與兄數年兄盡破其產汝麟輒復分與之後
兄在德州逆旅病疫且革主人問即不諱孰收子者曰
有弟愛我徒以素遇之少恩恐其不來耳會汝麟家亦

有病疫者或諷勿往汝麟曰伯兄赫然在原隰而可以
內為解乎亟與其櫬歸汝麟與章邱翟洪友翟容濟南
病即昇至家視粥藥四十餘日沒為具棺殮年六十八
卒卒之夕出書一帙付子士儋曰此我所見聞陰德事
也爾他日勿負朝廷而虐百姓吾目瞑矣

據李攀龍啟
公墓誌銘

方東省字月岡鄉里稱長者嘉隆間以九則均役差徭
繁多民苦奔命東省條列其弊陳於官請罷之而行一
條鞭之法時知縣彭某果允行上下稱便東省沒縣人
楊一鵬王三聘等五百家為立石墓上乞趙天開記其
事東省子守地舉進士官至叅政人謂好義之報

呂克
治採

訪

谷珍濟南衛指揮瑁之弟鴻臚寺序班父母卒各廬墓
三年宏治十年三月壬子旌其門曰孝行

據明史孝義傳及孝宗實

錄

羅縉邑廩生其舅氏貧啞縉贍養之以慰母心遂得旌

表

舊志

王繼芳邑庠生

同上

按舊志於繼芳不載事實或亦廬墓者其下又有
趙光榮趙光華二名疑後人續刻姑附於此

李明元親喪廬墓宗正五年吏科給事中李春燭都指

國朝

揮使李在沐為立碑題曰純孝格天

碑

懷世昌字鳳占父晉見隱逸傳晉於明季焚衣冠入山
授徒世昌母房亦自經世昌性篤孝事父不離側父沒
葬礦村世昌廬於墓枕石卧棘日負土築塚高如阜服
喪三年復痛母死節又居三年六年中蔬水必跪薦哀
不衰巡撫布政使以下皆題綽楔表之

崔稿採訪

邢起龍親喪廬墓與懷世昌同旌表

岳志通

李黃裳親病割股和藥以進病遂愈

同上

錢士賢割股以孝旌表

同上

邢曰玫字退菴性孝友伯兄病革收某賈所還千金以授曰玫而卒曰玫方痛迫不忍啟視既葬開其鑰已為空匱蓋戚鄰乘間取之盡矣嘗因甥晬假質庫金佛為奴竊去曰玫知其人而不問別鑄償質家人以為長者曰玫攻舉業名一時舉康熙五十二年進士未仕卒

秀錄送

韓之璧生六歲喪父母又二十年乃葬於蓮花山北峪之壁窟未奉養葬後付宅田於妻翁築舍墓旁日負土三筐採薪種蔬以自給其墓四面數里無村落熒熒獨居卒無他患康熙三十五年鄉人為立石鐫布政使俞

成龍及濟南府同知吳頤所贈扁額迄今塚尚歸然樵

牧皆能識之

韓燭採訪

黃叔量叔度親喪廬墓稱孝子有康熙十二年碑在辛

莊東南

鄭銘採訪

郭志茂監生南關人母喪廬墓三年乾隆二年建坊旌

表母馬氏以節著知縣額其閭曰母貞子孝

朱彤採訪

劉橘母病聞人肉可回生焚香籲天割左肱肉熟之以

進橘業估估人因共稱之曰劉孝一蓋言孝行為第一

也

張廷棟採訪

宋日章字美中武生事繼母以孝聞父沒廬墓三年喪

繼母亦如之每念外祖父母為母氏所自出歲必兩祭

其墓

韓燭探訪

劉澄章卽人生五歲以歲饑鬻縣人馬某為養子長而求其父母姓氏馬不以告澄時時仰天哭事馬夫婦得其歡馬沒既除喪乃推產歸馬氏子去尋其父母遍走齊魯者七年遇蘇媪者始知為章卽人姓劉及歸而父母沒且十餘年藁葬路旁澄具棺改葬如新喪儀築室墓上晝夜哭三年以疾歸舍未幾卒年五十九澄援例國子生晚年乃復姓劉云

張廷棟探訪

馬兆遴歲貢生母病醫謂藥應用生人血兆遴取刀割

左股取血一鍾刀痕長三指盛暑時從學者多見之

劉政

錄送

蘇永德父喪哀毀廬於墓三年鹽運使

姓缺

紹文額其廬

曰南陔永慕雍正三年事也

張廷棟採訪

馬貞常字君甫賣故衣為業事父母至孝雍正元年母

沒四年父沒皆廬墓三年里人上其事於縣知縣陳額

其門曰孝行可嘉

朱彤採訪

張希拭字暉吉以父病日夜禱不愈遂割股肉雜湯藥

以進父竟愈

方昂錄送

歷城縣志卷第四十二終

歷城縣志卷第四十三

列傳九

一行

馬氏祀乘嘗仿五代史傳一行而變其例吾所輯孝義非見於舊史即合旌表之例者也其行著於家而德及於鄉人者復於徃籍殘碑及採訪冊得如干人謂之一行黨煥烈王憲福之大年張永清之少慧皆邀

為世所罕觀故以殿焉作一行傳

唐

賈閏甫歷城人李密據東都既殺翟讓頗自驕矜開雒

歷城縣志卷第四十三

列傳九

口倉任民取給至負取不勝委於道羣盜就食者近百萬密喜自謂足食閔甫諫曰國以民為本民以食為天今民襁負如流而至者所天在此故也有司曾無愛吝一旦米盡民散孰與公成大業哉密不聽閔甫校乘驢而去

岳通志

明

金益字是增世為歷城三坊人洪武間補府學生有義行鄉人有貸其粟鈔者及期見其饑寒乃出券焚之畧無德色里人或罹於刑獄傾貲拯之景泰中卒年七十

七子由國子生授戶部主事歷廣東貴州二司

據劉敏金

處士
墓表

王應祥字和徵父峻積學有行宏治間舉人為遷安吳
二縣教諭遷貴池知縣攜家之官甫禮神以暴疾卒時
應祥年十八負櫬侍大母并挈弟妹歸貧甚鬻衣器給
饗殮與弟力讀書致色養母時有忿笑受之過弟妹煦
煦如恐傷嘉靖四年舉於鄉旋卒年三十五

據山集

趙強世卿祖也歲貢生性慈善人呼曰趙佛有盜夜入
室強呼家人執火索之不得乃曰吾適為夢中語非果
有盜也家人就寢強曰梁上人可速去勿為家人獲盜
下泣白母老無衣食狀強周之而去逾二年強自縣東

鄒歸至山水溝天昏黑有執梃行劫者強驚呼其人辨
聲釋梃長跪求恕強曰爾又為此何也曰母死無櫬耳
強至家又厚贈之

趙氏家傳

任爵字天祿其先自平陰徙歷城爵初為掾而文無害
尋罷去隱於酒性嚴無所狎侮子登瀛嘉靖三十四年

舉人官河東運副有文名

據李攀龍任處士墓碑

劉傑字漢卿世居縣西郭少失學醇謹無異儒者傑以
仲子而父養於其家月朔必浴具在候其兄嘗值兄怒
誤過而仆諸塗故不加衰傑喜飲酒一醉輒十餘日終
其身不知欺人子武嘉靖四十年舉人官漢中通判有

詩二卷

韓公墓誌銘

按劉欽舊志作劉鉞今從滄溟集

韓剛字克柔其先棗強人遷歷城數傳至剛少孤事兄甚謹不分其產所善客繫獄力救之鄉里稱長者子應元第進士授無錫知縣調懷仁起為大理評事遷兵部

主事仕至山西叅議

據范應期韓公墓表

國朝

張泰運崇正十一年曾陳戰守之策於巡撫不用杖四十推墜城下死而復甦未幾變起城陷後與王革同輯濟南府志革有弔張布衣詩即泰運也

劉致錄送

張世紳字喬臣性孝母滿氏崇正十二年城破挈二女投大明湖死事定世紳哀號求數日遇老人語其處一慟幾絕父斗光為怨家所中禍不測世紳負之跳而走經年乃返順治初山東多盜巡撫至率僚屬詣學宮釋菜問諸生方畧利弊世紳升堂具言當興幾何當革幾何辭氣激昂生徒羣吏數百人皆悚聽太息以諸生高等食餼例入太學十試不舉從部議授職身沒而需次微至人多惜之子大猷字允公由歲貢任武城教諭優行生負樹鵬翔以忤當事羅織中華學使將予杖大猷力爭乃已其年樹中武鄉試後任大嵩衛守備為廉吏

大猷秩滿遷翰林院典簿子澤永字子成十四補諸生
旋食餽與王革韓章交有文名教授縣南之錦繡川先
是南境深山中無黨塾人皆習為樵牧不知學澤永至
從游甚多後遂漸有讀書者澤永以恩貢終錄點

按王革手鈔文集有鄉飲大賓太學某君墓表僅
存其貫及葬地而姓名世次族屬皆闕之余於採
訪諸冊逐一勘對而後知為張世紳世紳家傳不
言舉鄉飲大賓其謂需次同知沒後一夕檄至授
官又秋史集所畧要為一人無疑也

楊天奇字傑字順治間自洪洞遷於縣由武舉仕廣西

左江鎮標前營都司僉書告歸值康熙二十八年歲祲
出資設粥廠日餉流亡數百人自十一月至明年二月
始罷巡撫佛倫額其門曰樂善不倦子孫世貴顯為縣
巨族人皆謂好善之報

劉士慈
採訪

曹鳳翽字羽聖縣諸生康熙三十八年上狀巡撫條陳
錢糧利病其畧云一陳壅蔽之害一邑之中害在民利
必在官與役條陳者言之州縣胥役恐破其利數必百
計回護或陽奉陰違而加害於條陳之人是以民皆杜
口祈憐察下情凡有陳於上官者可准即獨斷施行不
可則存而勿發一陳滾冊之害本縣里長一役侵欺牽

累之弊甚多康熙二十七年巡撫錢公將里長戶頭一切革除設立滾單催糧十戶一單或五十七戶一單各花戶錢糧分為十限封納不用單頭花戶比較納不及數者查照流水串票追究本戶無可推諉錢糧永無拖欠一年中省三千餘人之往返三萬餘兩之貼并惟經承失取盈之權里棍無謀利之階屢經禁革奉行不力蒙巡撫楊公立逮經承悉置之法滾單始行而經承故意寬緩長官墮其術中而不悟又蒙李公諄切禁飭知縣薛公獨晰此弊遵禁立碑非一朝夕矣乃忽於四十年經承里書表裏作姦滾單改為滾冊無論丁糧多寡

一莊僅造一冊甚有三三莊造一冊者硃點錢糧多者
一戶名曰單頭令其督催比較較前里長之害為尤甚
祈嚴行禁止其花戶納不足數者按日收串票追究斷
不至有逋賦矣一陳內僕濫收糧米之害凡收米時添
內僕一名稱為官收借以彈壓鄉民踢斛淋尖每斗加
三四升者收一斛七升者收一斗至於升合更不可言
收至大半餘米約有若干即私折私糶祈密察訪實申
飭革除一陳德倉分收之害德倉米原因順治二年滿
兵路經德州每畝加米一合暫供軍需順治九年南方
平定奉部文移本縣倉廩入為正賦收役利其零竒得

以多取康熙初布政司施公會令歸併漕糧合收一年
至今頌德收役恐失利數稟官分收永為民害祈嚴飭
歷城歸併徵收鳳靴又有一狀稟云山左現年戶頭之
害貼併三萬餘兩自前撫憲王公始去之漕米民運之
貼併亦三萬餘兩自前撫憲錢公始去之惟歷城夏麥
始於故明成化二年德王之國令每畝納夏麥三合三
勺以充王府之用至今未除經承吏胥利其零星得以
多取大為民害祈歸併漕米則一升一合之惠皆公賜
也後巡撫果革其弊之甚者鄉里感鳳靴德醪金謝之

斥不受

同上

趙汝舟字雪航七歲因母病不食人異之少補諸生有名事父母色養備至父性嚴客至烹茶不熟對客鞭之無幾微怨意援例授番禺縣丞為上官所器屬辦差務

墜馬卒

韓燭孫
尚採訪

朱緯字義似歲貢生宏祚從子事寡母以孝聞授邱縣訓導是時家多顯達緯有吏才為上官所器顧念母老

請養歸康熙四十三年大饑倡設粥廠於南郊多所全

活子令昭見文苑傳

朱彤
錄送

任立志字正國為人坦直為鄉黨所推重所居榆山北積水害稼久為民患康熙四十三年吏部考功員外郎

魯寶柱勘東省災至其村立志投牒請開河瀉水寶柱相度地形捐俸為倡而眾不願棄田欲沮其議立志求先墜已田事乃定水道占其田十餘畝子孫世輸空賦河成而卑污皆成膏腴立志又首倡修橋曰魯公橋

呂克

治株訪

邢大任字昔寵居邢家窪有義行康熙四十三年具狀於勘災負外郎魯寶柱請開河長十餘里水患乃息鄉人德之

同上

徐方遠字朋然髫齡走千里尋其父家有腴田數頃悉付於弟而自任其賦役嘗與晉人田林合資營業林客

死於外託以家計方遠為延師教其子長成舉數倍之

息皆還之人莫不以為難

何永盛賈
振基採訪

高瑾字方貢其先臨清人自其父遷於縣瑾府學歲貢
生嘗請於學使徐炯為邊貢李攀龍錄其後人奉祀又

贖功臣女孫為人婢者為擇良對

崔鏞張
檉採訪

李廷蘭字友馨其先由淄川遷居縣之龍山鎮家素封
父某嘗代鄉里輸逋粟廷蘭補諸生存心利物所居濱
武原水康熙三十四年水漲壞橋廷蘭以已財成之三
十八年鎮說傳寇至男婦多奔竄廷蘭叱曰果有寇吾
為汝輩禦之遂止既而知其說皆感謝登州孫生者徒

步赴鄉試至鎮貲竭困於旅店將不試歸廷蘭聞之贈以金試畢復資其歸裝孫後竟舉於鄉康熙四十三年大饑出數十年積粟半值以糶廉其極貧者不索值年

五十四卒

朱曾傳
採訪

呂碩秀字文實諸生例授候選縣丞好施子所居近虞山山下水每歲壞橋梁碩秀出貲鑿石覘土而新之歲以為常族黨子弟有慧者為延師購書資其學羣從登賢書列巽序者相望也雍正十二年知縣王國正於其村設廣濟會俾碩秀主之總督田榜其門曰善人年八

十六卒

同上

張秀字泗水家素封世以善良稱於鄉卧外寢僕持械
潛擊之誤中牀左右執鳴官秀為請曰僕素癡戎未審
卧者為主翁幸赦之有別業在西郭溫泉側建臺榭種
竹環之曰漪園為達官宴遊之所園之東居民蓄蠶草
以肥田一日大府眺臺上令驅而徙之秀跣請曰此方
積穢歷年所矣驅之將斂怨且細民生計頗艱舍此更
無隙地大府曰正長者之言也遂止

張敬
錄送

王惠文字美斯事母以孝聞母沒又善事繼母與異母
弟析產不計多寡弟產中落復益之

呂克治
採訪

張雲字雲華父政教仕金口鎮驛丞調平安縣典史雲

援例候選縣丞事寡姊甚謹為置田宅婚嫁諸甥凡子

姓匱乏者周之無難色

孫曾延
株訪

郭鈞字玉生少孤事母甚謹母性嚴鈞年六十聞母呼
其乳名即奔蹶而至母不擇股栗長跽色解乃敢出侍
母食食已而飽其餘終身不共妻子食亦不外宿事賀
弔夕必返人知其意亦無強留之者母死既葬夜必繞
墓再周大雨雪無間如是者二十年及沒門前有老槐

樹礪砢偃蹇人謂之母子槐

朱曾傳
株訪

曹嘉謨字亮采事母以孝聞待弟極友愛歿後數十年

鄉人猶稱之不衰

朱彤
株訪

許子綬字漢珮善事繼母友異母弟鄉人化之偶有爭訟子綬片言即解子綬本山西人雍正某年間山西大饑即鬻田產攜五百金還故鄉以贖其親族

同上

楊光乾字培元父病為嘗糞既孤無意進取以諸生終

工畫墨蘭沒後人愈珍之謂之楊蘭

張廷棟採訪

魏文深字子靜為諸生力學夜盜潛入室俟其眠欲竊之而文深讀書達旦盜叩首求免文深善遣之事繼母以孝稱由歲貢授博興學訓導值早步禱於將軍塚中

署卒年六十九

賈振基賈瑞何永盛採訪

范瑞元山陰人善屬文入運學為名諸生學舊無廩餼

者之自瑞元始貧而嗜酒酒酣罵座人多避之曰狂生
不可近常潦倒塗次人或諷其謁顯者可藉為場屋與
樓悌然不應乾隆二十四年以歲貢生舉順天鄉試未
幾歿妻郁性婉順自食粗糲每鬻簪珥奉夫佐飲瑞元
卒道腹生女乃飲泣曰范氏無嗣矣生何為遂幽鬱而

死張敬
錄送

黨煥烈年八十遇雍正元年

恩詔賜八品頂帶德行著鄉黨知縣表其門壽至九十八而終

黨其趨
採訪

上憲福生於順治十七年至乾隆二十五年年一百一

歲為人端厚善處鄉黨間有司聞於上建坊旌表

賜緞

一疋銀十兩

同上

張永清字天佑生而穎異乾隆十三年年五歲

聖駕東巡其祖明玉攜之跪迎於長清境能背誦

御製樂善堂詩集奉

旨俾勉力讀書賜幣歸一時呼為神童長善詩賦補諸生旋

沒年二十三人多惜之

張敬
錄送

原州縣志卷第四十三終

歷城縣志卷第四十四

列傳十

隱逸

有可以不隱者而後可謂之隱也牧豎樵廝老死不知城市謂之蟬蛻冀埃得乎夫隱者之於名且去之惟恐不速而史傳必特書而艷稱之蓋世之達道干祿者多矣其有抱義高舉之士庶足以廉頑立懦豈硜硜類沽名者哉作隱逸傳

隋

徐鴻容齊方士也李密與隋軍戰衆潰守洛口鴻容上

書勸密因士氣趨江都挾帝以令天下密異其言具幣邀之已亡去

唐書李密傳

按舊志云徐鴻客隱於城東山陽不知何據而唐書謂之齊方士或者齊州人也故存之舊志隱逸載黔婁先生北郭騷陳湏無白子友張忠徐鴻客張仲蔚洪隱君八人考黔婁先生北郭騷陳湏無皆齊人隱齊之南山舊志改齊為濟不知所謂齊者齊國耳時無齊州濟南之名也又云白子友隱居東平陵南棠山石室夫朱雲從白子友受易見漢書朱雲之徙平陵非東平陵則隱居石室之說

何自來耶蓋皆因齊音而謬耳且白子友名光儒
林傳實云東海人矣張仲蔚貧士傳云平陵人三
輔決錄云扶風人實非縣產李于鱗詩云吾鄉張
仲蔚未是蓬蒿人亦不考之故也張忠中山人晉
書謂其隱於泰山而水經注引車頻秦書云沙門
竺僧朗嘗從隱士張巨和遊巨和常穴居而朗居
琨瑞山大起殿舍連樓壘閣舊志或以朗公谷在
縣境故并援忠耶然玩鄙語所居必非一地蓋舊
志所載今且八莖其六矣

唐

王宏濟南人文皇少與同學從受八體書既登御訪宏

宏隱去不見

河東先生
龍城錄

邵貞一濟南人聞武后改年挈妻子入長白山結廬自

養終身不入城市因自號長白山人

岳通志

按唐書邵說傳德宗時說擢吏部侍郎因自陳家

本儒先祖長白山人貞一以武后革命終身不肯

仕而說為相州安陽人其祖之為濟南人不知岳

志何據又岳志挈妻子及結廬自養二語唐書無

之殆別有所見鄒平縣志又以為鄒平人姑存以

俟考

宋

田誥歷城人隱居嵩山好著述聚學徒數百人舉進士
至顯達者接踵宋維翰許袞皆其弟子也誥制作百餘
篇傳於世每搆思匿深草中絕不聞人聲俄躍出卽一
篇成矣淳化中以韓伍薦詔赴闕

景日昉
說燕

按田誥之為歷城人又見王貽上古懽錄所引逸
民史而雲麓漫鈔述此事作楊朴蓋傳聞之異辭
也又澗水燕談錄載田誥字象宜篤學好文得水
樹於濟南明水決志高蹈淳化中韓伍言於天子
召赴闕詔書及門而卒誥蓋縣人先隱嵩山後又

隱於明水耳

金

陳壽愷濟南人幼聰慧博學強記能文章不求顯達徇
祥自放年老遊靈巖愛泉石之勝遂卜居焉與釋雲公
釋禪旨入精奧雖戒壇老衲有不及三十年不出山壽

九十五

靈巖志

明

王元復字見心萬歷中歲貢官直隸平山教諭隱居龍
山莊舉鄉飲賓嘗云人當在高處立以聖賢為地步當
在寬處坐以天地為襟度當在平處行以中庸為踐履

所著有遊遠邇言家訓要語諸書門人稱為靜一先生

志

洪隱君歷城人戢居東山習治國邊貢嘗作圃田詩以

美之同上

國朝

趙樾字震祥世卿孫也明諸生弟棕年甫十一崇正末

大兵入城失去入旗籍順治間授山東巡撫乃密遣人訪

樾樾弗認迫之急棄宅移居東村棕不得已潛赴祖世

卿墓泣奠而寢其事或問樾樾曰認之是貪為貴者况

也且封疆大吏未有任父母邦者若使題請迴避非其

便也遂終身不入城市以卒

朱曾傳
採訪

懷晉字麗明其先齊河人自晉五世祖隸於縣博雅有名諸生中年四十八明亡晉哭辭孔子廟隱山中初居礦村羣盜猝來曰長者在此恐為吾輩所驚明日當送靜地供飲饌晉不答至夜遁去晚年居堰頭鎮執經受業者甚多有鄭子鉉者相從最久嘗曰自從懷先生遊凡邪念之萌皆知自道其德之感人如此布政使張某數延致終不至在平王曰高廵撫直隸延之教子弟半載即辭歸設教幾五十年門下士如濟陽艾元徵王成唐貴後過里門必來謁晉過之如受業時晉繼母改適

其子來爭產晉不與較更為買田友愛終身時有陳某者號莫逆交兵燹後家屬盡死僅存一子晉撫之至於成立年八十預知死期至期沐浴而卒後十四年布政使銜既齊為作懷高士傳子世昌見孝義傳據懷世昌雙親節烈

行實

按王秋史集某君墓表余少長里閭老成未遠猶及見君與懷處士晉王學博謙亨楊文學士烈張文學東星哀衣大帶矩行規言所至人皆讓行避席以為有盛世長者之風乃不二十餘年而相繼殂謝維桑與梓恭敬無從俗愈囂競而前輩盡矣

謙亨諸人事不可考姑附於此

志卷第四十四終